

1. Ubugari bupimiwe mu butambike ubwo ari bwo bwose ;metero 2 santimetero 50.Nyamara :

- a) *Iyo imizigo igizwe n'ibinyampeke ,ikawa,amakara,ipamba idatonoye,ibishashara ibyatsi ibishami cyangwa ibyats by'amatungo idahambiriye uretse amapaki afunze ,ubugari bwayo bushobora kugera kuri metero 2 na santimetero 75;*
- b) *Iyo imizigo igizwe n'ibimaze kuvugwa haruguru kandi ikaba ijyanwa mu karere katarenze kirometero 25 uvuye aho yapakiriwe, ubugari bwayo bwushobora kugera kuri metero 3 usibye mu nsisiro .*

Mu biteganyijwe mu migemo a) na b) ibanza nta nkingi n'imwe ikomeye ishobora gushyirwaho ku buryo igice cyayo icyo ari cyo cyose cyarenga metero 1 na santimetero 25 uherye ku murongo ugabanya ikinyabiziga mo kabiri mu burebure bwacyo.

2. **Uburebure :** *haseguriwe amategeko yerekeye gutwara ibintu birebire cyane,imizigo ntishobora gusumba ibinyabiziga ,cyangwa yaba ari ikinyabiziga gikuruwe n'inyamaswa ,umutwe w'ikibikurura.*

3. *Ubugarike: Metero 4 keretse iyo hari uruhushya rudasanze rutanzwe na Minisitiri ushinze gutwara abantu n'ibintu cyangwa rutanzwe n'umukuru w'Intara iyo gutwara ibintu ku buryo budasanze bikorewe mu ifasi y'Intara imwe gusa.*

Ingingo ya 62 :

1. *Iyo ikinyabiziga kikoreye ibintu birebire bidashobora kugabanywa ,icyo gihe imizigo ntishobora kurenza metero 3 ku mpera y'inyuma y'ikinyabiziga .*
2. *Imitwara miremire igomba guhambirana ku buryo budanangiye no kuzirika ku kinyabiziga kugirango igihe yicunda itarenga impande z'ikinyabiziga.*

Ingingo ya 63 :

Iyo imizigo isumba ipera y'inyuma y'ikinyabiziga ho metero irenga ,igice gihera cy'imizigo kigomba kugaragazwa :

- ✓ **Ku manywa :** n'agatambaro gatukura gafite byibura santimetero 50 z'uruhande
- ✓ **Iyo amatara y'ibinyabiziga agomba gucanwa :** ni itara ritukura cyangwa akagarura-rumuri gatukura.

Ibimenyetso bikoresheya kugirango impera y'inyuma y'imizigo ntibishobora gushyirwa ku buhagarike bukenze metero 1 na santimetero 55 uherye ku butaka.

Ingingo ya 64:

1. **Ubugari bw'imizigo yikorewe** n' amagare na velomoteri kimwe na romoruki zikuruwe n'ibyo binyabiziga ntibushobora kurenga santimetero 75.uburebure burenga inyuma ni santimetero 50.
2. a) *Ubugari bw'imizigo, yikorewe n'amapikipiki adafite akanyabiziga ku ruhande kimwe na romoruki zikururwa n'ibyo binyabiziga ntibushobora kurenga metero 1.25 .*
 b) *Ubugari bw'imizigo yikorewe n'ipikipiki ifite akanyabiziga ko ku ruhande kimwe n'ubw'iya romoruki ikuruwe na bene icyo kinyabiziga ntibushobora kurenza santimetero 30 ku bugari bw'icyo kinyabiziga kidapakiye*
- 3) *Ubugari bw'imizigo yikorewe n'ikinyamitende itatu n'ubw'iyikorewe n'ibinyamitende ine bifite cyangwa bidafite moteri kimwe n'ubw'iyikorewe na romoruki zikuruwe n'ibyo binyabiziga ntibushobora kurenza santimetero 30 ku bugari bw'icyo kinyabiziga kidapakiye,kandi ubugari ntarengwa budakuka bukaba metero 2 na santimetero 50 .*